

Keputusan SPM ulangan 2023 dikeluar 12 Oktober ini

Oleh Siti Maisarah Binti Sheikh Abdul Rahim
2 Oktober 2023, 9:34 am

PUTRAJAYA: Seramai 8,586 calon peperiksaan Sijil Pelajaran Malaysia Ulangan (SPMU) Tahun 2023 yang menduduki di204 pusat peperiksaan seluruh negara bakal mengetahui keputusan masing-masing pada 12 Oktober depan.

Kementerian Pendidikan Malaysia (KPM) dalam kenyataan memaklumkan, calon boleh membuat semakan keputusan secara dalam talian di pautan myresultspmu.moe.gov.my mulai pukul 10.00 pagi pada Khamis depan sehingga pukul 6.00 petang, 18 Oktober 2023.

"(Calon juga boleh menyemak) secara sistem pesanan ringkas (SMS) untuk mendapatkan ringkasan keputusan peperiksaan.

"Ia dengan cara menaip SPMU<jarak>NoKP<jarak>AngkaGiliran dan hantar ke 15888 yang akan diaktifkan pada tarikh dan waktu sama," katanya.

KPM pada masa sama mengucapkan tahniah kepada semua calon atas keputusan peperiksaan SPMU Tahun 2023. – UTUSAN